

資州直隸州志卷一

輿地志

沿革山川

分野水利

疆域城池

關津



禹貢奠高山大川以別九州周禮誦訓掌道方志後世紀方域地理者宗之今之州縣即古封建之地夫猶是天地山川之成形而不變也而古今異宜興廢異制可勿辨乎一州之地疆域不過數百里耳而星象垂焉風氣殊焉農政水利興焉踐土者以之為生守土者以之為教則夫考古以証今

資州直隸州志

卷一

輿地志 資州

沿革一

而斟酌損益以成至治之盛者有不可緩者矣作

輿地志

沿革

沿革表附

資州

禹貢梁州之域秦為蜀郡地

漢為犍為郡資中縣地

前漢書地理志注武帝建元六年開西順屬益州按

犍為郡領縣十二曰犍道江陽武陽南安資中符牛

鞞南廣漢陽郁郫朱提堂狼今資陽縣資中舊治也

今州治在縣之東。州屬之內江縣及重慶府之榮昌縣、潼川府之安岳、樂至二縣、嘉定府之威遠縣皆漢資中故地。

後漢因之。

後漢書郡國志犍爲郡九城、武陽、資中、牛鞞、南安、犍道、江陽、荷節、南廣、漢安。

晉以獠故多荒廢。

元和郡縣志李雄之亂夷獠居之。按晉書地理志惠帝之後李特僭號於蜀益州郡縣皆歿於特。桓溫滅

資州直隸州志

卷一

輿地志 資州

沿革

二

蜀其地始爲晉有。咸安二年益州復沒於苻氏。太和八年復爲晉有。又按文獻通考蜀本無獠。李勢時諸獠始出巴西渠川。廣漢、陽安、資中、犍爲、梓潼布在川谷。攻破州縣。桓溫破蜀之後山險之地多空。獠遂挾山傍谷。與人參居。寰宇記歷後漢晉宋齊或爲資陽縣。戍而無州郡所理。自西魏克其地始於此置資州。西魏屬資州。

元和郡縣志後魏廢帝二年析武康郡之陽安縣置資州。寰宇記今簡州陽安縣界。古資陽城。是按陽安。

卽今簡州。

後周武成二年，自陽安移州治資陽縣，並置資中郡。保定中於此置盤石縣。

〔太平寰宇記〕後周明帝二年，自陽安徙州於漢資中古城，置資中郡。保定五年，於漢資中縣故城置盤石縣，屬資中郡。按資州西魏置治陽安，在今簡州。後周自陽安徙州於漢資中故城，置資中郡，卽今資陽縣治。兩漢資中皆治此。盤石縣在今州治北。〔寰宇記〕云：後周既於資中故城置資陽縣，復謂於漢資中故城。

資州直隸州志

卷一

輿地志

資州

沿革

三

置盤石縣，殊誤。詳見古蹟志。

隋開皇七年，始自資陽移州來治。大業初，改州爲資陽郡。

〔隋書地理志〕後周置盤石縣及資中郡。開皇初郡廢。大業初置資陽郡。〔寰宇記〕隋初郡廢，其地併於簡州。煬帝又置資陽郡。〔郡縣志〕義寧二年，分置銀山、月山、龍水三縣。

唐武德元年，復曰資州。天寶元年，復曰資陽郡。乾元元年，復曰資州。咸通六年，徙治內江。七年，復故，屬劍南。

道

寰宇記武德元年改為資州領縣九盤石內江安岳普慈安居隆康資陽太牢威遠其年割太牢威遠屬榮州二年分安居隆康普慈安岳四縣屬普州貞觀四年置丹山縣乾元二年分置昌州尋廢唐書地理志資州資陽郡本治盤石咸通六年徙治內江七年復故領縣八盤石資陽清溪內江月山龍水銀山丹山州有安定軍按貞元元年西川節度使韋皋奏置軍於此控制諸蠻

資州直隸州志

卷一

輿地志

資州

沿革四

五代屬蜀

按唐昭宗初年壁州刺史王建引兵攻成都資簡戎茂嘉邛諸州皆殺刺史降建至梁開平二年稱帝於成都改元武成據其地是為前蜀後唐滅王氏孟知祥復據之是為後蜀州悉如唐之舊

宋亦曰資州資陽郡理盤石屬潼川路

元豐九域志乾德五年省月山丹山銀山三縣為鎮入盤石清溪縣入內江宋史地理志宣和二年改龍水為資州後復故淳祐三年廢領縣四盤石資陽龍

水內江。

元初州縣俱廢。至正末明王珍復置資州。明洪武四年降州爲縣屬成都府。國初因之。雍正五年復陞爲直隸州屬四川省。

資陽縣

漢資中縣屬犍爲郡。後漢晉宋齊因之。後周武成二年改置資陽縣爲資州及資中郡治。

〔元和志〕李雄亂蜀縣荒廢。後魏廢帝二年始通巴蜀。開拓資中。周明帝於資中縣置資陽縣。因資水爲名。

資州直隸州志

卷一

輿地志

資陽

沿革

五

隋開皇初郡廢。七年又徙州於盤石。以資陽爲屬縣。大業初屬資陽郡。

唐屬資州。宋因之。元省入簡州。明成化二年復置資陽縣屬成都府。正德中改屬簡州。

〔明史〕洪武六年十二月置屬成都府。十年五月省入簡縣。成化元年七月復置。仍屬成都府。正德八年陞簡縣爲州。改縣屬之。

國朝初屬成都府。雍正五年改屬資州。

內江縣

漢資中縣地後漢分置漢安縣

後漢書地理志漢安屬犍為郡華陽國志劉璋立江陽郡以漢安屬之

魏晉宋齊梁陳因之

元和志李雄之後陷於夷獠

後周武帝置漢安戍尋改置中江縣屬資中郡

元和志天和二年於中江水濱置漢安戍其地改為中江縣寰宇記因有北江故以中江為名

隋改曰內江屬資陽郡

資州直隸州志

卷一

輿地志

內江

沿革

六

舊志文帝因父名忠覽圖見江水自三堆環繞至黃市遂改中江為內江仍屬資陽郡元和志大業十二年分置牛鞞縣天寶元年改曰清溪

唐屬資州

舊志咸通中改隸資州六年移州來治七年還治盤石五代王建仍置內江縣

宋因之

元豐九域志乾德五年省清溪縣入內江熙寧六年以盤石趙市鎮隸內江名勝志本志云宋紹興末於

內江縣置安夷軍

元初省明洪武中復置屬成都府

本朝因之雍正五年改屬資州

仁壽縣

本漢犍爲郡屬武陽縣東境

按舊志秦惠王使張儀伐蜀開明退走武陽獲之則地名起於蜀秦置郡縣武陽已置縣矣其地屬蜀郡漢武帝分置犍爲郡縣始改隸東界資中西抵臨邛北接廣都南連南安盡今仁井眉彭四州縣之地今

資州直隸州志

卷一

輿地志 仁壽

沿革七

之西北境則廣都也

晉置西城戍

寰宇記晉孝武太原中益州刺史毛璩置西城戍以爲捍防

梁置懷仁郡

寰宇記天監中立席郡

西魏置陵州又置普寧縣爲州郡治

按隋書地理志西魏置陵州而周本紀元和志寰宇記皆云周閔帝二年置又元和志後魏置普寧縣屬

懷仁郡寰宇記從之隋志西魏改縣曰普寧二說不同詳見古蹟志寰宇記魏恭帝二年置和仁郡平井貴平可曇三縣元和志周閔帝置籍縣

隋開皇三年郡廢十八年改縣曰仁壽大業初改州爲隆山郡

隋書地理志統縣五仁壽貴平井研始建隆山按隋志後周廢可曇平井二縣入貴平大業初又廢籍縣入貴平

唐武德元年復曰陵州天寶元年改曰仁壽郡乾元元年復曰陵州屬劍南道

寰宇記唐武德九年割隆山屬眉州永徽四年分貴平仍置籍縣

五代屬蜀

十國春秋前蜀後蜀陵州領縣五仍唐舊

宋熙寧五年廢州爲陵井監宣和四年改仙井監隆興五年又改曰隆州屬成都府

宋史地理志至道三年陞州爲團練使咸平四年廢使爲州併廢始建縣熙寧五年廢州爲陵井監又廢

資州直隸州志

卷一

輿地志

仁壽

沿革

入

貴平籍縣入廣都宣和四年改陵井監為仙井監隆興五年改監為隆州乾道六年復置貴平籍縣

元至元二十年州廢以仁壽縣屬成都路

元史憲宗時廢貴平入籍縣

明屬成都府

通志洪武六年五月省井研入仁壽縣

國朝雍正五年改屬資州

井研縣

漢犍為郡武陽縣地井研鎮晉安帝僑置江陽郡亦曰

資州直隸州志

卷一

輿地志

仁壽

沿革

九

西江陽郡宋齊因之

宋書州郡志晉江陽郡既荒乃於武陽僑置江陽郡

宋新復舊土改置東江陽郡因以晉江陽郡改西江

陽郡

西魏置蒲亭縣後廢

隋書地理志西魏置蒲亭縣大業初併入仁壽

隋大業元年置井研縣屬隆山郡

元和志因鎮立縣取鎮為名

唐屬陵州

寰宇記唐武德四年自擁思茫水移治今所以界內
井研爲名

宋屬仙井監南渡後屬隆州元至元二十年併入仁壽
縣

舊志元改隆州爲仁壽縣廢井研爲來鳳鄉

明洪武六年置十年又省入仁壽縣十三年復置屬成
都府

國朝雍正五年改屬資州

資州直隸州志

卷一

輿地志 井研

沿革十

建置沿革表

兩漢 三國 晉 宋齊梁魏周 隋 唐 五代 宋 元 明

資州
漢資中縣地

盤石縣

資陽郡 資州 資陽 資州
開皇七年移資州來 治大業初復置州屬 郡 劍南道 改郡

盤石縣

資州 資陽 資州
初廢至正末明玉珍復置資州 隆縣屬成 郡 屬潼川路

盤石縣 廢

周置

郡治

州治

義寧二年 置月山縣

月山縣

月山縣

乾德中省

義寧二年 置龍水縣

龍水縣

龍水縣

宣和二年 更名資州 後復舊淳 祐初廢 乾德五年 省

義寧二年 置銀山縣

銀山縣

銀山縣

屬資州

資州直隸州志

卷一

輿地志

沿革

資陽縣

資中縣
屬犍為郡

資中縣

資中縣

資中縣

資陽縣

周改名移郡廢州徙資州來治縣屬資陽郡 置資中郡

資陽縣

資陽縣

資陽縣

省 簡州

資陽縣

成化一年復置屬成都府正德中改屬簡州

內江縣

資中縣地

中江縣
周置屬資中郡 陽郡 隋末置牛鞞縣

內江縣

內江縣

內江縣

內江縣

省

內江縣

初復置屬成都府

仁壽縣

漢武陽縣地

懷仁郡
梁置

陵州 懷仁 隆山郡

西魏置州 初廢郡大業初又改

陵州 仁壽 陵州

初復置州 屬劍南道

陵州

屬蜀

隆州

熙寧初廢州為陵井監宣和中改井監隆興五年復升州屬

井研縣

武陽縣地

江陽郡
東晉僑置

西江陽郡
後廢

井研縣
大業初置屬陵州
屬隆山郡

井研縣

井研縣
屬隆州

省入仁壽
縣明王珍
復置

井研縣
初仍省入
仁壽後復
屬成都府

郡治而不
置縣

普寧縣

仁壽縣

仁壽縣

仁壽縣

仁壽縣

仁壽縣

仁壽縣

西魏置州開皇中更州治貞觀州治
郡治又置名郡治大中徙
蒲亭縣
業初省蒲
亭縣入
大業初省

籍縣
周置

籍縣

籍縣

籍縣

廢

永徽中復
置屬陵州

開元中移
置屬陵州

貴平縣

貴平縣

廢

熙寧中省
乾道中復
屬隆州

熙寧五年
省乾道六
年復

成都府路

屬成都路

屬成都府

資州直隸州志

卷一

輿地志

沿革十二

始建縣

始建縣

始建縣

歲平四年
省

開皇中置屬陵州
屬隆山郡

分野

春秋元命苞參伐流爲益州

史記天官書注畢參魏之分野益州

前漢書觜觿參益州

蜀紀帝居房心決政參伐是爲蜀分

華陽國志仰稟參伐

晉書天文志自畢十二度至東井十五度爲實沈於辰
在申魏之分野屬益州州郡纏次觜參魏益州廣漢
入觜一度越巂入觜三度蜀郡入觜一度犍爲入參

資州直隸州志

卷一

輿地志

分野

三度牂牁入參五度巴郡入參八度漢中入參九度
益州入參七度

舊唐書天文志東井輿鬼鶉首之次也未初起井十二
度中井二十七度終柳六度其分野自漢之三輔及
北地上郡安定西自隴坻至河西西南盡巴蜀漢中
之地及西南夷犍爲越巂益州郡極南河之表東至
牂牁皆鶉首分也

宋史益梓利夔四路分井鬼

洪武天文分野清類之書四川布政司所屬惟綿州觜

分合州參分餘皆井鬼分

四川通志資州井鬼分野入參一度

按分野之說起於周禮九州之分星至春秋時言列國分星尤詳漢書乃以郡縣隸之然於古州國往往齟齬不合隋以前諸書蜀之分野皆以爲屬參觜唐以後諸書又多以爲屬井鬼通志井鬼分野入參一度當鶉首之次蓋參晉唐宋天文志而模稜其說也今考天有十二次地有十二辰故分野之說起焉蜀居坤維益州之會界實沈鶉首之

資州直隸州志

卷一

輿地志

分野二

間其星則參伐其宮則巨蠲故秦不盡鶉首而蜀不盡實沈也二十八宿分配九野積之久則有歲差

欽定儀象考成後編新法云其差甚微人多不覺歲差之法定以七十一年零差一度爲準推步星象卽得真正躔次所在積之久又有星差按西法云參觜易度唐宋元明已然故乾隆庚辰以前猶是奎婁胃昴畢參觜自庚辰以後始易奎婁胃昴畢參觜又按班固天文志觜觶參伐爲益州唐史觜觶

參伐爲實沈宮今猶相去不遠也惟參觜易度似難據爲典要至郡國州縣分野志當明里差按天文大成云城池改遷是爲里差占星者當變而通論之三才秘旨云上天一度當地下一百五十里作誌者明三差之法可與言分野矣伏讀乾隆癸未年續刻

御製七政四餘分野過宮自昴二度終昴七度畢初度終畢十四度觜半度參初度終參八度今屬實沈之次自參九度終參十一度井初度終井二十六

資州直隸州志

卷一

輿地志

分野

三

度今屬鶉首之次蜀居坤維益州之會界鶉首實沈之間舊志云天文井鬼分野者拘守唐虞天正也又云侵入參一度者據當時歲差逆度退步法爲鶉首初舍按參宿自乾隆庚辰以前已侵入鶉首二舍庚辰至今又侵入鶉首三舍其所居實在九度至十一度此挨度順步法也今復以春分昏星候之從參初至九度當爲四川省垣分星無疑其舊志云入參一度者原據鶉首躔次初舍爲省垣都會以參末度所入而言故云逆度退步法如

以挨度順步法求之則蜀郡西南西北一帶爲昴
初至七度畢初至十四度觜半度參初至八度分
野其東南東北一帶爲參十度至十一度井初度
至二十六度分野資州居蜀東南與地離省垣三
百六十里以里差之法求之自省垣至資陽縣老
君舖二百五十里終參十度又自老君舖歷資州
內江縣至隆昌雙鳳驛二百五十里終參十一度
此外侵入井星分野矣今資州治統計距省垣三
百六十里當在參星十度奇零四千二百二十四
分之間上應鶉首之次

輿地志

疆域 形勢附

資州在四川省治東南三百四十里。東西距四百三十里。南北距五百里。東至敘州府隆昌縣界一百五十里。西至眉州界二百八十里。南至嘉定府樂山縣界三百二十里。北至成都府簡州界一百八十里。東南至嘉定府威遠縣界八十里。西南至眉州界二百九十里。東北至潼川府安岳縣界八十里。西北至成都府簡州界二百二十里。本州境東西距一百三十五

資州直隸州志

卷一

輿地志

疆域一

里。南北距一百三十里。東至內江縣界四十五里。西至仁壽縣界九十里。南至嘉定府威遠縣界五十里。北至潼川府安岳縣界八十里。東南至內江縣界五十里。西南至威遠縣界六十里。東北至內江縣界七十里。西北至資陽縣界四十五里。自州治至京師六千五十里。

資陽縣在四川省東二百四十里。州北一百四十里。東西距一百四十五里。南北距一百六十里。東至本州界九十五里。西至仁壽縣界四十里。南至本州界八

十五里北至潼川府樂至縣界五十里東南至本州界九十里西南至仁壽縣界五十里東北至潼川府安岳縣界一百二十里西北至成都府簡州界八十里

內江縣在四川省東南四百五十里州東九十里東西距一百五里南北距一百三十里東至隆昌雙鳳界六十里西至本州銀山界四十五里南至富順楊家舖界五十里北至安岳蔡家坪界八十里南至榮昌朱家壩界六十里西南至威遠犀牛潭界五十里東資州直隸州志

卷一

輿地志

疆域

二

南至隆昌陰家壩界五十里西北至本州來鳳場界五十里

仁壽縣在四川省東南一百九十里州西北二百七十里東西距一百三十里南北距一百三十里東至資陽縣界八十里西至彭山縣界五十里南至井研縣界九十五里北至華陽縣界一百四十五里東南至州界一百三十里西南至眉州界六十里東北至簡州界一百里南北至雙流新津縣界一百四十里井研縣在州西南三百里東西距六十里南北距三十

五里東至嘉定府威遠縣界四十里西至眉州青神縣界入十里南至嘉定府樂山縣界二十五里北至仁壽縣界三十里東南至嘉定府榮縣界六十里西南至嘉定府樂山縣界二十里東北至本州界六十里西北至仁壽縣界七十里

形勢附

資州

龍山東峙珠水西環鳳嶺軒翥於北郊火峯蜿蜒於南岸襟古渡而枕平岡面三元而控盤石水陸皆衝河之概也

資州直隸州志

卷一

輿地志

疆域三

傳者盤石遷治記珠江流其前丹神隱其北醮壇據其左靈巖蟠其右

總志金爐據其前枝池盤其後秀山層出資水環流資陽縣

舊志地附梁州之域名傳金鴈之江帶九曲之潏洄抗雙峯之鼎峙

內江縣

山勢崢嶸起伏碁布四圍江流環抱一邑實百里之形勝也

郭璞記山行依舊合水去復還來

紹興李記江山之秀非他邑比

總志佳氣西來洪流東折雖非都會美矣江城

提學康振記襟帶瀘合控引巴渝寰宇之內名山大川

莫如西蜀蜀景之美瑰偉絕特莫如內江

舊志東有石笋爲地軸西則三堆爲天闕駮雲天馬峙其南挹雪玉屏拱其北

資州直隸州志

卷一

輿地志

疆域四

仁壽縣

舊志仁邑環山爲城治居三隅之中迴合有自然之勢飛泉障其前隆山枕其後左峙翳嘶右據金鳳跨天池之絕頂挹官渡之清流界接十三州縣延袤數百餘里土田沃饒山澤迴環雖處僻壤亦一隅之樂上也

井研縣

通志鳳山巖秀龍門灘高

舊志龜山列其前龍溪繞其後鳳山環其左翠屏峙其

右

升菴集跨鰲山爲之枕老君山爲之案中汶之水環其
左江漢之水滌其右

資州直隸州志

卷一

輿地志

疆域五